



職方典第一千二百六十六卷

辰州府部彙考四

辰州府風俗考

府志

本府 沅陵縣附郭

辰郡山多田少刀耕火種力厚者貿易江湖力薄者資生纏市結精之計每以各縣爲庾然其民賦性淳朴山谷間至有皓首不識官府者然不無崇巫歆死之陋習邇來士大夫之家攻詩書敦古禮卽齊民子弟亦知誦讀一切降鬼慰喪之陋漸以移易第崇尚浮華浸淫虛僞大非正嘉之風矣

瀘溪縣

僻處山谿密邇獠獠語言衣服最尙朴素然喪禮多用浮屠禱祠必先巫祝今士知尙學民知守禮非復五谿之舊矣

辰溪縣

民勞稼穡士惜羽鱗隆萬以來文風漸振雖鄙嗇太過然亦養生之策不猶愈於奢侈乎

溱浦縣

男事耕耨女勤紡織入官者多尙名節作士者亦務詩書但刻悍滑稽盜繁訟健餘風尙未殄耳

沅州

漢西南志俗好巫鬼

地理志嗜好居處頗與巴渝同俗

唐史武陵夜郎其俗喜巫鬼每祀歌竹枝鼓吹男子勤乎耕學婦女慎於閨門至今不易

黔陽縣

士競儒民力穡近者人文漸盛而士多豪俠人尙忿爭豈風俗之一變乎

麻陽縣

依山而居臨水而漁昔稱簡朴近淳澆漓僑寓者輕儇無深藏而土著者役役於小忿蓋比歲

苗擾而風俗亦移矣然士大夫雅惜名節挽而至道豈患無人哉

辰州府祠廟考

府縣志合載

本府

沅陵縣附郭

山川壇在府城外東南

社稷壇在府城外西北

郡厲壇在府城外

城隍廟在府

城西

旗纛廟在府治後辰州衛春秋致祭

新息馬侯廟在江南以春秋致祭

關

王廟在教場外

雙孝廟一在東城外一在西關上顏家山左勅封享祭

火星廟在府

治東北并水星廟爲一

六賢祠在崇正書院後祀周濂溪程明道程伊川張橫渠朱晦庵

張南軒祠隨院廢

忠孝祠指揮吳勳征流賊陣亡事聞諭祭王夢麟征倭陣亡贈爵蔭子

春秋辰州衛祀

棠蔭祠在江南一里許分守讓溪游震得履庵萬士和穎泉鄒喜見竹王

璽立庵項思教夢菊郭棐皆有德政公私懷之因建祠春秋致祭焉

瞿公祠在府學右爲

郡守瞿汝稷建

文昌閣舊有梓潼祠今改觀瀾樓爲文昌閣肖像祀之

瀘溪縣

山川壇在武口洲

社稷壇在縣治北

邑厲壇在縣治北延禧觀

旗纛廟在縣治

北祭於演武場

城隍廟在邑治東

伏波廟在邑治東元大德四年建

關王廟在

邑治北

南公廟世傳南霽雲之神

尹公廟世傳尹吉甫之神

青坪廟在下灣

都司廟在江南世傳爲耿舒之神未知所據

天王廟在治北荒茅嶺

五顯廟在縣治

大門左畔

公安殿在藤子嶺

辰溪縣

風雲雷雨山川壇在縣治東

社稷壇在縣治西南

邑厲壇在縣治北

城隍廟在

縣治西

新息侯廟

壽亭侯廟俱在邑西

善卷祠卷武陵人終大西山宋祥符間

舉祀明通判歐陽陟奏開得旨賜額

伏波廟在縣治西三里

溆浦縣

風雲雷雨山川壇在城東

社稷壇在城西

邑厲壇在城北

城隍廟在縣東一里

關王廟在縣右

伏波廟在城西二里許

眞武廟在城東三里

南嶽廟在城東南

隅 水府廟在城西五里

沅州

風雲雷雨山川壇在州城東南

社稷壇在州城東北

郡厲壇在州城北一里

城

隍廟在州西南隅明洪武十一年遷建成化乙巳重建萬曆癸酉復脩

皇清康熙五年知州戴廷對捐貲鼎建

關聖廟在州城東關外創自元大德中明弘治間重建

嘉靖乙未新建前樓明末殿宇朽壞

皇清康熙癸酉重建殿後增立觀音堂蔚然改觀一在北門內今存一在西門內今毀一在東關外

十方庵左

明山土主廟去城西北五里時章惇討元猛以兵事禱之得吉旣而猛果降因

奏封順應侯慶元間賜廟額爲顯應侯但廟不知建自何時明正德間重修

南嶽昭烈廟

在州南二里政和間獠賊黃安俊作亂攻圍城寨占據水源城圍人渴援兵未集相與禱於靈

祐侯迎至城上兵皆鬼神狀賊悻怖遁去因封祐順靈顯公春秋祀之明弘治五年重建正德

六年復脩今爲兵燬尙未建復

漢車騎將軍張公廟在州南四里卽蜀將張飛也俗稱白

馬廟

唐刺史林公廟在州東四十里俗稱赤崖宋紹興中陰助討賊封護國侯明初賜額

春秋祀之

昭靈神廟去州南五里俗稱黃龍卽三閭大夫屈原也宋時賜額明弘治十四

年重建

里隍廟在譙樓北角今重建

水府廟在西城傍河

真君廟舊在東關張

公祠左今移建城內西街

祠山廟在城東北隅卽祠山聖列真君姓張名渤字伯奇武陵

龍陽人洪武中建廟祀之

東嶽廟在東關外關帝廟左康熙辛亥年建丙寅年殿額同知

張詰捐貲重建

五顯廟一在東街一在倉前一在學左一在廟兒頭今改爲馬王廟一在

黃甲街一在普庵塘一在鎮東樓內又名靈官廟

赤崖行祠在水寬樓今總鎮後

火

神祠原在邊糧廳右兵亂毀壞今建於總府街

通靈祠在黃土陂宋時建明萬曆甲戌重

脩後有觀音堂

南嶽行祠一在江西街一在南關一在河西坪上

明山行祠一在東

關關帝廟右一在河西郵亭巷口

清盧林公祠去州東十五里地名六村

歇馬林公

祠去州東十里地名結蓮

黔陽縣

風雲雷雨山川壇在縣治東門外一里舊有齋廳三間今毀樹亦無存

社稷壇在縣西

邑厲壇在縣城北門外一里

城隍廟在邑治東龍標山歲久傾圮康熙二年重修

關

帝廟在上南門外負城帶郭面山臨江據一邑江山之勝

昭烈王廟在城東教場宋寶慶

初縣令饒敏學重建祀唐義士張扞

馬王廟在縣南馬殷馬希範父子有功於邑立廟祀

之三閭祠在邑城西門外背城面澗

楊公祠去邑四十里在託口祀青木楊公託市

人東嶽廟在邑城東

公安祠在邑城東門外二里

麻陽縣

風雲雷雨山川壇在城南知縣蔡心一建後毀康熙九年重建

社稷壇在縣北亦蔡心一

建邑厲壇在城北

城隍廟在城西街宋熙寧中建明成化七年修萬曆十六年復新

之歲久傾頽

皇清康熙八年復修建前宇後廳規制悉備

關王廟舊在城外東知縣朱瓚建萬曆十一年知

縣蔡心一改建於南門外後因水漲萬曆三十二年仍遷建於城東

南嶽廟在城外西南

飛山廟舊在城外北頽壞移像於北闕樓上後仍遷建城北 水府廟舊在城東河下後燬

遷於南門外面山臨水亦勝境也 伏波廟舊在河東南岸山畔祀新息侯馬公景泰初知

縣李讓重修萬曆間爲水衝塌縣令王啟光遷建於河東之廻龍山至康熙二年重修 五

顯廟在縣前街宋元時建明萬曆十三年脩康熙五年重修 文昌祠在 文廟右 武

侯祠在城內東街知縣黎九臯建後燬移祀於關帝廟後 懷忠祠在學東知縣余夢呂建

四節祠舊在錦水岸尋壞縣令余夢呂建於河東岸 才烈祠祀節婦黃氏明崇禎四年知

縣洪化行請建舊在城西隅住宅後燬今卽於其舊址設壇祀之

寺觀附

本府 沅陵縣附郭

報恩寺舊名天寧萬壽寺在治東其址爲天寧山宋紹興中改是額 三嵎寺在縣城東二

里三嵎山唐貞觀初建 普安寺在縣治東元大德中建 浦峯寺在縣城西南二百四

十里宋元祐中建 廣福寺在縣治東去郭十里許其地俗名和尚洲守道陳還冲募造浮

屠七級

龍興寺去縣治二里許唐貞觀二年建

元妙觀舊名紫極宮在縣治東北宋

至道初改天慶明洪武中重脩改今名有唐明皇銅像

北極觀在治東舊名開元明洪武

中重脩改今名

瀘溪縣

廣福寺在縣治右畔明萬曆元年建

三嵎寺在縣南浦市村宋嘉定中建後因水患遷江

東岸改爲浦峯禪寺

延禧觀在縣治北明嘉靖間重修

香爐庵在縣治北三里許峯

巒聳翠林木陰翳嘉靖甲午年建構元武殿於上俯瞰江流遠覽山色亦足奇也

崇善菴

在縣治南六十里正德中建隆慶初重脩

興隆菴在縣治南六十里洪武七年建

觀

音閣在縣治西

元天殿在邑西羊橋山巔有龍池萬曆癸未居民禱雨有應剏真武廟祀

之邑人許廷用有記

辰溪縣

廣恩寺在縣南四十五里五峴山下宋淳熙七年更名廣恩元至正甲寅改遷於邑西觀音山

下 瞿柏慶寺在大酉山下宋元豐八年建 大酉觀在縣南大酉山下宋祥符間命封

善卷先生

溆浦縣

普化寺在縣東宋初建元末燬明洪武間復建有三洞雲洞懸洞顏洞呂洞賓寓此上設一橋
抵舒德源之界 廣福寺在縣南一百二十里舊名聖壽寺宋熙寧中與普化寺同建紹興
中改今額 景星觀在縣治東門外 觀音閣在縣東普化寺左洪武初建

沅州

報恩寺卽古報恩光孝禪寺在城西南隅宋熙寧間建立明嘉靖間重脩萬曆戊申僧本尊建
觀音閣於東本惠建藏經閣於西更立儀門天王神殿後立公館三間僧房百餘間兵火後悉
毀

皇清康熙間僧瑞靈重建藏經閣於正殿後 慧慶寺在東門外宋紹熙元年建萬曆間重脩

鴈塔寺在古臺山明萬曆間建前爲佛殿後爲耀文書院塔前有四望樓可供登眺丙午知州

趙瑞益給田一區以供香火

大佛寺在河西黃甲街西隅明隆慶間建

景星寺先止

一小庵至萬曆丁亥重脩殿宇山頂建大觀亭夾道皆松明末毀今改小殿僧寮數間

古

壇山寺在雁塔寺右今廢

龍頭寺在城西二十里宋紹興間建

彌陀寺在城東關外

元妙觀卽古天慶觀在城西南隅宋紹興二年建明成化間重脩崇禎四年重脩祖師殿於左

玉皇閣於後

佑聖觀卽高貞殿在衛治前元至正間建明正德間脩

水星觀在北門

外慶雲庵在東關外塞馬坡今廢

龍興庵在黃甲街口

白雲庵在北關外五里

久廢

觀音閣在北門月城外

黔陽縣

普明寺在縣治東龍標山宋熙寧中建

勝覺寺在城東九十里廣福山宋祥符間建有魯

班仙跡

觀音寺在安江福聚山宋熙寧中建今廢

長安寺在安江

歸化寺在城

西四十里碧崖山宋熙寧中建

淨化寺在神鄉泐水象牙山宋熙寧中建

元靈觀在

縣治北宋大觀間建

雙江道院在雙巖南岸宋大觀初建今廢

盤龍庵過江西南五

里因崖爲室中引清泉建堂數楹

龍泉庵在縣東二里形如伏龍下有石泉涓涓不竭今

廢

鼇山庵在城東三里又名水口

碧泉庵在城東北五里清水塘

臨江閣在城

東八十里屏風巖里民鑿石成路行者便之倚巖建閣極其危險

麻陽縣

同天寺在縣西宋熙寧間建

湖山寺在城東河岸山巔明正德間建後火於兵止存前一

小殿

皇清康熙乙巳年鼎建後殿一重祀觀音大士左面山額曰景竹軒右面水額曰瞻淇軒水竹相映

極其閒雅

玉華觀在縣南明洪武中建

鎮陽宮在城外北山巔萬曆十八年建明末

兵燬止存後殿以祀真武康熙丁未年重建

辰州府驛遞考

府縣志合載

本府

沅陵縣附郭

江口水驛在府治西二百四十里洪武初建

北容水驛在縣東五十里隆慶六年改建結

灘

辰陽馬驛在縣治江南洪武中建怡容水驛今併於此

馬底馬驛在縣東南六十

里洪武中建

界亭馬驛在縣西南二十里永樂十四年建

武溪水驛今併於縣

船溪馬驛在縣南三十里洪武中建

瀘溪縣

武溪水驛在縣治東隆慶元年知縣曾倬條陳便宜奏裁之原設站船四隻水夫十八名每名

額編工食銀七兩二錢今驛已併於沅陵而大差不絕

船溪驛在縣治南三十里洪武中

建天順中重修

辰溪縣

辰陽水驛舊名酉陰在縣治西南正統中寇燬景泰中以舊縣地置之

山塘馬驛在縣西

南三十里洪武中建

溆浦縣驛遞無考

沅州

沅水驛在州南門外洪武十四年建萬曆戊申改爲儒學遷於龍津渡口原設驛丞一員吏一名館夫一名舊設有站船萬曆間裁革 便水驛在州西南五十里平便溪鄉洪武中建原

設驛丞一員吏一名館夫一名 安江驛在州東北二百九十里洪武初建 晃州馬驛

在州西南一百一十五里平便溪鄉洪武初建原設官吏與前同 羅舊馬驛原在州東北

四十里柿子鄉洪武中建原設官吏與前同今改建於盈美鄉馬公坪上下中分便於接應

懷化馬驛在州東北一百二十里鎮江鄉洪武中建原設官吏同前 盈口水驛 竹寨

驛 銅安驛三驛俱經裁革

州前鋪原在州左 大橋鋪 十八坡鋪 八洲鋪 羅舊鋪 石橋鋪 石

凹鋪 小田鋪 楊橋田鋪 白牛堡鋪以上十鋪通辰州府路 涼傘鋪此一鋪

後設自懷化通黔陽縣路 冷水鋪 唐家橋鋪 山溪鋪 尚溪鋪 後溪鋪

蛇板鋪以上六鋪通麻陽縣路 竹坪鋪 巖田鋪 冷水鋪 栗子鋪 便水

鋪 對火鋪 波州鋪 晃州鋪 山門灘鋪 團灘鋪 米稿鋪 鮎魚

鋪 甕西溪鋪 陳二鋪 平溪鋪以上十五鋪通貴州路 董家鋪今改爲楊溪

鋪 桃樹鋪 板山鋪以上三鋪通黔陽縣路

黔陽縣

盧黔驛今裁 本縣走遞腳馬二十四匹每匹工價銀二十四兩帶閭銀四錢共銀五百八

十五兩六錢除荒實徵銀一百二十兩八分八釐四毫五絲二忽縣前排夫四十六名每名工食正閭銀七兩三錢二分共銀三百三十六兩七錢二分內本縣應役六名實走差四十名共銀二百九十二兩八錢除荒實徵銀六十兩四分四釐四毫四絲六忽

縣前鋪在縣治前 朝天鋪近改名牛角以坡名牛角故俗稱相沿 赤土鋪 竹坪

鋪 南木鋪俱在縣西北上通沅州 田溪鋪 竹灘鋪 板溪鋪俱在縣南下通

會同 雙溪鋪 黃松鋪二鋪北通竹站懷化 荆竹鋪 渡頭鋪二鋪東通安江

各鋪司兵五十三名工食帶閭共銀二百二十八兩四錢四分三釐除荒實徵銀四十六兩八

錢四分一釐八毫六忽

麻陽縣

縣前鋪

南村鋪

石巷鋪

龔溪鋪

齊天鋪去縣四十里有公館達沅州境

蓬溪鋪

譚家寨鋪

白泥田鋪

巖門鋪有公館達石羊峭

龍橋鋪去縣八十

里有公館

九溪鋪去縣一百三十里有公館達辰溪

辰州府兵制考

通志

府總

辰州府城守副將一員

守備二員

千總四員

把總八員

辰州水師遊擊一員

守備一員

千總二員

把總八員

沅州鎮總兵一員

遊擊四員

守備四員

千總八員

把總十六員

鎮筸協副將一員

都司一員

守備一員

千總四員

把總八員

辰州衛順治十八年歸併常德衛

沅州衛順治十八年歸併沅州